

北京圖書館古籍珍本叢刊

史部・地理類

〔弘治〕八閩通志 上

北京圖書館古籍珍本叢刊


書目文獻出版社

史部·地理類

〔弘治〕八閩通志 下

〔康熙〕福建通志 上

北京圖書館古籍珍本叢刊



書目文獻出版社

史部·地理類

〔康熙〕福建通志 下

北京圖書館古籍珍本叢刊



書目文獻出版社

217

北京圖書館古籍珍本叢刊 33 34 35

史部·地理類

〔弘治〕八閩通志

〔康熙〕福建通志

（全三冊）

編者 北京圖書館古籍出版編輯組

出版 書目文獻出版社

（北京文津街七號）

印刷 民航印刷廠太湖分廠

定價 一八〇元

ISBN 7-5013-0457-2/Z·8

EC97/01

一九八八年·北京

〔明〕

黃仲昭

纂修

〔弘治〕八閩通志

上

卷一至六十八

據明弘治四年刻
本縮印原書版框
高二二〇毫米寬
一五〇毫米

〔明〕

黃仲昭

纂修

〔弘治〕八閩通志 下

卷六十九至八十七

八閩通誌序

閩雖為東南僻壤然自唐以來文獻漸盛至宋大儒君子接踵而出仁義道德之風於是乎可以不愧於鄒魯矣先哲凋謝典刑日遠士習民風漸不如昔此有志於世道者所為深慨嘆也仲昭多病早衰退處山林竊不自揆思欲考求前誌表章先哲之典刑以風厲後學庶幾於世道少有所補而不終為聖朝棄物也顧私家無力不能盡得八郡之誌以備檢閱而書人筆札之屬亦無所取給蓋有志而未能力者久之適今御用監太監五羊陳公奉命鎮閩雅好文事藩臬諸君子因以

諸郡之誌久曠不修為言公慨然曰誰可屬筆者諸君子僉以仲昭為宜公乃具書幣俾行部憲臣踵門而請焉仲昭亦欲有以畢其初志故不辭而為定其凡例隨事分類為大目十又八所統小目凡四十又二每類則合八府一州之事以次列之釐為八十七卷名曰八

閩通誌其間若地理食貨秩官學校選舉壇廟恤政宮室丘墓古蹟之類皆因諸郡所采事蹟隨其詳略稍加刪次或遇營建修治之得宜而可以示法於後世者始備錄之至於人物一類誌或有未載及載而未盡者必旁搜博考尤致其意焉如福之人物舊誌俱未有登

載今則以進士郡人林謹夫所輯鄉賢傳及閩邑庠司訓蘭溪鄭璫所輯郡誌采入莆之人物亦未有類萃而歸于一者今則以郡人方先生時舉所著人物誌吳先生源所著名公事述及今少冢宰彭先生韶所輯莆陽誌采入建寧舊誌已亡成化初郡守安成劉鉞嘗修之未及成而遷官遂并携以去陳公特遣使詣其家訪得之今悉因其所載者采入延平則有郡庠司訓縉雲樊阜所修誌邵武則有前郡守南充馮孜後郡守仁壽劉元所修誌泉漳汀三郡誌則皆近日郡人所纂輯者今所采人物皆因之又慮局於見聞之偏而於公論

有未協也復以質於膳部主事莆田宋端儀重考論而去取焉先儒廣漢張子嘗論修誌不可不載人物豈不以人物乃典刑所繫而可以有補於世教乎仲昭纂輯斯誌而尤慎重於是者蓋亦廣漢張子之遺意也時預纂修者福州指揮陶僖前黃梅司訓三山龔章麗水司訓宗姪洙儒士莆田熊晟張元紳及樊鄭二司訓也終始相成其事惟元紳及洙之力為多提督采取諸郡事蹟及綱領纂修之事者提學僉憲金陵任君彥常實任之若夫餽廩筆札書人刻工之費則皆陳公所自區畫一芥不以煩有司用是仲昭得以優游歲月以卒

其事云

弘治二年龍集己酉孟夏之朔莆
田黃仲昭序

八閩通誌序

郡邑有誌尚矣而一藩全誌昉於
近時去離為合寓繁於簡是亦一
道也然統屬既廣該括難周作者
或詳近而略遠或粹古而遺今或
為己而忘他人觀者病之重以序
述體裁去取權度人各異論欲為
成書之善而可以信今傳後豈不
難乎八閩初未有通誌內監五羊
陳公作鎮之五年因藩憲二司之
請屬筆于吾友今僉憲黃仲昭先
生採輯五六年始克成書上可以
資處分下可以裨咨詢其功云勞
而所補不小矣公命亟壽諸梓且
致簡於予曰是書之作其文則誌
其義則資治之史也顧有序嗟乎

閩於天下為彈丸黑子之地其事
若省約然自古迄于今疆理民俗
人才凡三變非紀述之詳何以究
同異驗升降而可資以為因革之
政哉蓋自秦郡縣天下之後漢屬
甌閩於會稽郡唐以隸江南道至
宋以來別為一路專達於天子矣
方岳由是而始列自漢武徙其民
於江淮間永嘉板蕩乃有衣冠而
南王氏割據復有元從而南及宋
氏都杭諸名家又益南矣華俗由
是而不變自八姓入閩之後而人
才漸有然猶不樂內仕至常袞興
學而文物乃多宋治休明而名賢
遂輩出矣人物於是為極盛故有
稱吾建謂齒為上國者謂海濱鄉

魯者又有謂文公闕里者然則後
世之八閩豈古昔之八閩哉通誌
於山川食貨學校貢舉壇廟宮室
宦迹人物之類靡不具述實皆三
者之所有事為政君子仕優而寓
覽焉上下千餘年之事粲然在目
其能不撫卷而發感慨之念乎故
思吾全閩完如金甌不可不加保
護之功睠彼民俗翩其反而不可
不致扶正之力慮今之人才落落
如晨星則作成之術尤不敢後固
宜省刑薄斂除凶去盜敬神恤民
禮賢立教豪傑必使之興焉風俗
必使之淳焉河海必使之清且晏
焉然後見斯志也作者有不言之
功觀者得開卷之益而公勤渠之

意不虛負矣予閩人也喜見其成故不辭而序之

弘治四年歲次辛亥冬十一月吉資善大夫刑部尚書莆田彭韶書



八閩通志凡例

一纂修事自俱倣

大明一統誌立列但其書備載天下之事其采輯不得不從簡約今之所輯者特一方之事而已宜加詳焉故於其已載而未悉者增之未載而可采者補之自其纂修之後事有當續者亦各隨類纂入

一八郡事蹟雖各以其類纂輯然亦略有次第蓋建置郡邑疆域既定然後山川城郭鄉市之類有所寄故以地理為首地理既定然後戶口土田貢賦

之類有所屬故食貨次之既有土有人矣於是乎建官設屬而封爵秩官公署次焉於是乎育材取士而學校選舉又次焉國之大事在於祀神故次以壇廟政之所施必先窮民故次以郵政若夫人物則土地之所重宮室寺觀丘墓古蹟祥異則皆土地之所有而詞翰則又所以紀土地之風俗形勝者也故皆以次列之而終之以拾遺云
一各府以建置先後為序各縣除附郭外亦以建置先後為序

一建置沿革凡各郡所同者俱見布政司下而不復重出觀者可互見也

一諸郡戶口土貢財賦及歷官科貢薦辟之類凡前代有可考者悉以次列之其不可考者闕焉

一人物名臣若出處光明論議剴切操履純正勲業隆盛者固無容議矣然所遇有不同不能人人兼備也其或有一于此而無愧焉者亦並錄之道學則取其淵源伊洛師友考亭而弗畔於其道者儒林則取其學明經術行循矩度而足以表率後進者他如良吏忠節孝義文藝之類則亦各舉其盛者而著之要皆不失其正而可以為世楷範者也其不合乎此者不錄

一五代時人物仕於偽閩南唐吳越者其立朝風采雖可觀亦不得與中朝之名臣並列今特取其一節之尤盛者各以其類誌之

一人物史有載於儒林而今列於道學者更有載於文苑而今列於儒林者更有載於循吏而今列於名臣者此類甚多蓋史以紀天下之人物誌以紀

一方之人物其品第差等自不能不少異也

一貞女烈婦已被

旌褒旌者固在所錄或有不幸未及

上聞而死者亦有

上聞未及發報而死者其堅操苦節皆足為世勸也今

故滇擇而並錄之

一仙佛詭異之說如福州鳴水巖高蓋山建寧幔亭峰叩冰菴興化伏蟒巖九鯉湖之類皆未敢深信第以土俗流傳圖誌紀載其來已久粹難盡去姑

因舊誌存其大都觀者宜自擇焉

一諸郡古今碑文甚夥不能悉錄今取其有關於土俗風化且其事可以備本誌之缺略者載之非敢

品第工拙而有所去取於其間也

一諸郡古今題咏亦取其有關於風俗山川人物者錄之其或摘取一二句不成篇章者則附於本誌之下間有紀咏事蹟摹寫景象可以與本誌相發

明者雖全篇亦附載其下以便覽觀

一名宦人物必其人既沒世而後錄之庶不貽異議

也詩文亦然

一各項事跡凡在唐武后時皆依朱子通鑑綱目改用中宗嗣聖年號其在偽閩僭號紀元之後者亦改用五代年號其後地入南唐仍用五代及宋年號

一諸郡舊誌多紀載訛舛不足信據今悉以國史參互考訂而辯正之

八閩通志

八閩通志目錄

卷之一

地理

建置沿革

卷之二

地理

郡名分野疆域形勝

卷之三

地理

風俗里至

卷之四

地理

山川

福州府

卷之五

地理

山川

福州府
建寧府

卷之六

地理

山川 建寧府

卷之七

地理

山川 泉州府

卷之八

地理

山川 漳州府
汀州府

卷之九

地理

山川 汀州府
延平府

卷之十

地理

山川 延平府
邵武府

卷之十一

地理

山川 邵武府
興化府

卷之十二

地理

山川 興化府
福州府 潮汐

卷之十三

地理

城池 坊市 福州府

卷之十四

地理

坊市 福州府
汀州府
建寧府
延平府
泉州府
邵武府
漳州府

卷之十五

地理

坊市 興化府
福州府 鄉都 建寧府

卷之十六

地理

鄉都 泉州府
漳州府
興化府
汀州府
延平府

卷之十七

地理

橋梁 福州府
建寧府

卷之十八

地理